

ル 5
3163
2



ル 5
3163
2

卷四 三頁 落丁



東湖縣志卷二

天文志

楚星野居翼軫鶉尾之次而南郡入翼十度東湖
新劃於荆改隸宜昌其一當象緯誠如黑子着向
故舊志疑以一州當全郡從而略之今蒼萃諸家
成說略加辨核備著於篇俾覽者得以考正至氣
候應乎天時禳祥徵諸人事則附見焉雖不敢襲
漢儒事應之謬而修省之理則固寓其中矣志天
文

星野

東湖縣志卷之二 天文

昭和十四年
六月十七日 購求

東湖舊爲彝陵州禹貢荊州之域天文翼軫分野

周禮九州分星註云星土星所主土也十二次之分

鶉尾楚也玉海易天曰在諸侯謂之分星在九州
謂之星土

鄭語周史伯曰楚重黎之後黎爲高辛氏火正此鶉
尾爲楚之分星卽荆南諸道之土星

左傳襄公二十八年裨竈謂歲棄其次旅於明年之
次以害烏帑烏尾曰帑楚爲鶉尾

漢獻帝建安十二年冬十月有星孛於鶉尾集覽云
鶉尾其次在巳楚之分野又集註云南方七宿曰

鶉火鶉尾蓋鶉無尾故以翼爲尾也其自南郡江

夏以及汝南諸郡皆古荊州分今之江陵公安石

首松滋枝江彝陵宜都長陽歸州興山巴東則荆

州之南郡分止翼之十度遷固世掌天文蔡邕費

直陳卓皇甫謐僧一行輩考論互異總以翼軫爲

楚之分野故本晉書以翼十度爲宗則翼軫之屬

荆南諸郡也無疑矣


荊州舊志

翼十八度七十七分

丹元子步天歌云翼二十二星大難識上五下五

橫着行中星六箇恰似張更有六星在何處二三

相連張畔附五箇黑星翼下頭欲知名字是東甌



翼宿放

翼宿二十二星爲朱雀翼土星也距中右第二星

極百四度入翼初度凡十九度上爲中道赤道

九度九十分黃道十九度六十五分位在巳次於

分爲楚於野荊州按軫星所纏皆今湖南諸郡故未詳攷

躔次

劉歆三統歷起十三度至軫五度漢書律歷志初張

十八度中翼十五度終軫十一度

費直說周易初張十三度終軫十七度

蔡邕月令章句初張十二度至軫六度

魏陳卓郡國躔次云自張十七度至軫十一度為鶉

尾於辰在巳楚之分野

陳卓景初歷起張十七度至軫十一度

晉天文志翼軫楚荊州南郡入翼十度

皇甫謐帝王世紀起張十八度至軫十一度

舊唐書云翼軫鶉尾之次巳初起張十五度中翼十

二度終軫九度其分野自房陵白帝而東盡漢之

南郡

僧一行大衍歷起張十五度中翼十二度終軫九度

漢書云翼軫鶉尾也初張十五度餘千七百九十五

抄中翼十二度終軫九度自房陵白帝而東盡漢之南郡

明大統歷起張十五度終軫九度

按翼軫於五星為熒惑唐書天文志星終鶉尾

以負南海其神主於衡山熒惑位焉宋史天文

志熒惑為南方為夏為火主荆揚交州楚吳越

以南於北為衡星晉書天文志北斗為帝車運

乎天中臨制四方以建四時而均五行也一至

四為魁五至七為杓第二星曰璇主楚第四星

曰權主吳春秋緯自太別以東主雷澤九江荆

州屬衡星

於三台為司命下星宋史天文志三台六星兩兩而居西近文昌二星曰上台為司命上台上星主宛豫下星主荆揚

於天市為天垣第二星宋史天文志天市垣第二十二星東蕃十一星南六星曰吳越西蕃十一星南二星曰楚於五車為中央一星文獻通考五車五星在宿此五帝座也次東南一星曰司空主填星楚分為荆州

古謂楚地翼軫分野又曰鶉尾屬荆州是皆包絡全楚區域甚廣詳載史志原不僅為一邑也百里地言也今邑在漢屬南郡惟晉志荆州翼十入翼十度一語差為切近按翼週天三百六十五度每一度一千四百六里二十四步六寸四分有奇東湖東西兩界二百四十五里南北兩界六百五十里是一度中占二分之一有奇其上麗分野不過一偶下隸僅彈丸耳而以占全楚者占一郡占一郡者占一邑則所謂入翼十度者更富求之杪忽間矣右採數則姑以俟後之精於推步者

氣侯附

峽州三月先燠十月後寒自立夏徂暑天氣以漸炎
熱但霖雨積旬晝或衣綿夜必擁絮秋後餘熱或
較甚三伏俗謂秋老虎入冬多晴蟄蟲率蟄蟄然
動初春餘寒凜冽每不減粟烈感發之時俗謂倒
春寒雖大雪堅冰亦或時有然氣候寒暖和平花
草如蕙蘭端香樹木如檉欄橘柚之類則經冬常
茂云

機祥附

蜀漢

後主景耀三年吳西陵言赤鳥見三國志

晉

懷帝永嘉三年大旱江漢可涉晉史

永嘉三年十月宜都變道山崩晉史○按宜都即今東湖

東晉

元帝大興元年四月西陵地震山崩宋書

隆安三年夏五月荆江大水平地三尺晉史

隆安三年十一月白雀見宜都宋書

陳

宣帝太建十四年七月江水赤如血隋書

宣帝太建十四年七月江水赤如血隋書

徵明三年隋師伐陳至峽州有五黃龍備眾色各三

十餘丈驤首連接順流而東風浪大起雲霧書

陳人大駭師旋收

隋

高祖開皇二年七月荆江水色赤如血隋書

唐

敬宗寶曆元年荆南諸州旱唐書

宋

太宗太平興國七年五月峽州蝗宋史

重和元年六月峽州言麒麟見宋史

淳熙十五年五月荆江溢宋史

元

世宗至元十五年峽州旱元史

至大三年六月峽路大水山崩壞民死者甚眾舊州志

至治三年八月晝晦峽州江陵等郡地震元史

大歷二年峽州旱元史

至正十一年八月峽州荆門公安松滋枝江五州縣

地震舊州志

明

成祖永樂二十年黃陵廟山崩羣虎為患民居弗甯

舊州志

徐泰守彝陵有鳩巢於廳事出楚絕永樂朝事歲月無攷

宣德元年荆屬夏秋皆旱荆州舊志

宣德五年夏秋皆旱自六月不雨至於八月

宣德六年夏秋並旱

宣德十一年夏秋旱以上並荆州舊志

正統八年峽江大水荆州志

天順七年峽歸大雨廬舍漂沒民皆依山露宿明史

成化元年彝陵有麟脊虎猛獠矯健若有神翼傷人

畜無算山獸絕跡舊州志

成化十四年峽州大水人多淹死明史

宏治五年大旱饑舊州志

正德四年峽江大水明史

正德十三年二月己卯彝陵火三日燔七百餘家明史

正德十五年江漢水合舊州志

嘉靖十四年夏雨經月溪水四溢壞田廬無算舊州志

嘉靖三十八年十二月夜彝陵宜都地震舊州志

嘉靖三十九年五月雨雹傷禾秋七月江水溢漂民

居傷稼至秋大饑舊州志

萬歷四十一年大水舟行入文昌門內舊州志

天文

八

崇禎四年地震 舊州志

崇禎五年八月峽江大水 舊州志

崇禎十三年秋月夜北正街居民見飛騎若報軍情

眾隨之至洗墨池而沒皆聞其入水聲 舊州志

崇禎十五年雷火焚彌羅宮東嶽城隍三廟古木皆

數百年物 舊州志

國朝

順治元年荆襄諸屬野麥自生 通志

順治十年大風拔木飄屋 荆志

順治十五年峽江大水 荆志

順治十八年五月大火延燒兵民廬舍千餘間

康熙十四年大稔

康熙十三年至十九年小河套水常盈 荆志

康熙十九年峽江大水 荆志

康熙二十九年大水入文昌門內

康熙五十四年冬白雀巢於州署

康熙五十六年春城北曾氏草堂梁燕乳四雛內白

燕一

雍正四年六月二十一日地震

雍正六年大疫

雍正八年四月十六日地震

雍正九年四月長橋溪水暴溢壞民田

雍正十一年十二月雷震

雍正十二年峽中竹實如麥土人競採食之

乾隆三年四月地震

乾隆十五年五月初四日大雨雹

乾隆二十二年西塞壩火燔數十餘家十二月西塞

壩復火延及河街並飛入城燔民居無數有死者

乾隆二十五年三月初十日雙泉舖朔風驟起雨雹

大如卵積地盈尺十餘里晝晦傷禾稼廬舍人

甚眾山中獸虫皆斃其達於外十數日乃息

乾隆二十六年峽江大水溢文昌門岸秋稔

乾隆二十七年六月絳雪堂重植紅梨既枯復生

乾隆二十七年秋大稔以上舊志

道光六年四月四日普溪舖閭家坪溪邊地裂五里

許寬四丈餘閱四日土皆陷入溪內田廬盡沒

道光六年六月大雨連十日不止三隅舖山溪大漲

崩巖裂石田畝多為積沙所損

道光十二年八月朔飛蝗過西壩食禾稼殆盡

道光十五年大旱六月雨禾復豐收

道光二十年大水水進文昌門

道光二十三年峰溪舖長冲有大栗樹一株可二十

圍高四丈餘根盤半畝七月初七日申刻空中降
綠火一團落於枝頭閱七晝夜全樹燒燬留二尺
餘椿

咸豐元年白虹見東南貫天漢

咸豐元年普溪舖居民陳永澤家牛生五角六足

咸豐元年七月二月初一日普溪舖堰塘兩水相鬪者

久之

咸豐五年冬月初五日未申二刻東南兩鄉天晴明

無風各堰水忽騰二三尺溢於堤外亦異事也

咸豐五年旱蝗

咸豐六年旱入秋飛蝗蔽日

咸豐七年七月邑境飛蝗蔽日頗傷禾稼

咸豐九年大旱

咸豐十年夏五月大雨如注連日夜不絕江漲驟發
突湧入城平地深者六七尺其不沒者府署試院
而已郭洲西壩及臨江東西岸漂民居無算

咸豐十年夏彗星長丈許見西南色如赤霞

同治元年五月五日社林前舖兩冰雹擊損廬舍牛

畜麥苗

同治二年冬沿江產桃花魚彌月不絕亦異事焉

沿革志

神禹導江迄於斷江峽其地介荆梁之夾而名不
列於禹貢黃牛佐禹之說雖見武侯記者古者終
以語怪爲疑自周末白起入楚彝陵始見於史郡
縣旣更代異其制名亦錯互不一

國初沿往制仍隸荆州容美忠宣土司改流以後易
州爲縣縣治倚山面江固楚蜀間一大都會也特
錄其可考者表識其終起著於篇志沿革

禹貢荆及衡陽爲荆州東湖縣係古荆州域

商頌曰維女荆楚居國南鄉東湖舊楚地

周成王封文王先師鬻熊曾孫熊繹為楚子東湖舊

楚地

史記楚世家楚頃襄王二十一年秦將白起伐楚拔

郢燒彝陵

按順治五年改夷陵為彝陵今皆追改為彝後

倣此

綱鑑周赧王三十七年癸未秦白起伐楚拔郢燒彝

陵楚徙都陳秦置南郡

按周赧王三十七年乃楚頃襄王之二十一年

也舊志載赧王三十年燒彝陵疑誤

之義前漢地理志應劭曰彝山在西北因彝山

故名彝陵此說最古舊志謂水至此而彝山至

此而陵形勢確然未詳此語出何代附記於

此

史記秦始皇二十六年郡縣天下改彝陵置巫縣

文獻通攷漢置彝陵縣屬南郡

文獻通攷建安初置臨江郡

文獻通攷建安十四年孫權表劉備為荊州牧改彝

陵為宜都郡

按宜都縣志將夔陵州人嶺山川典故誤入者緣此

建安十五年蜀漢改爲宜都領縣四

晉志後漢建安十三年魏武盡得荊州之地分南郡枝江以西立臨江郡及敗於赤壁南郡以南屬吳吳後遂與蜀分荊州於是南郡零陵武陵以西爲蜀江夏桂陽長沙三郡爲吳南陽襄陽南鄉三郡爲魏而荊州之名南郡雙立蜀分南郡立宜都昭烈崩後宜都復屬吳後孫休又分宜都立建寧郡總統於荊州

按宋書州郡志宜都太守大康地志王隱

何志並云吳分南郡立張勃吳錄云劉備立

吳志呂蒙平南郡據江陵陸遜別取宜都獲

歸枝江夷道縣即今宜都縣初孫權與劉備分荊州

而南郡屬備則是備分南郡立宜都非吳立也

編鑑建安二十年劉備孫權分荊州置臨江郡於夔

陵

吳志吳黃武元年改夔陵爲西陵

習鑿齒云魏武平荊州分南郡枝江以西爲臨江郡

省志晉太康改夔陵縣

文獻通攷南北朝宋齊並名宜都郡領夔陵夷道猥

山今長陽三縣

宋書宜都太守領縣四夷道猥山宜昌夔陵

按宜昌令何志晉武帝立太康永甯地志並無

疑是此後所立南齊書亦有宜昌隋書載宜昌

隸南郡有丹山黃牛山水經注載江水所經過

夔陵縣南東逕宜昌縣之埵壩下又東逕流頭

灘又東逕宜昌縣北又東逕狼尾灘火灘黃牛

山西陵峽酈道元註云縣治江之南岸北枕犬

江與夔陵對界宜都記曰渡流頭灘十里便得

宜昌縣按此則宜昌縣半在今東湖縣界其地

當在今黃牛峽以上黑崖子以下無疑今郡名

宜昌疑因此云

文獻通攷梁名宜州

文獻通攷西魏改爲拓州一作

文獻通攷後周改爲陝州並改高安爲遠安縣屬陝

州

文獻通攷隋改峽州爲夔陵郡領夔陵宜都長陽遠

安四縣

唐書李靖傳唐武德四年更陝州爲夔陵郡

文獻通考唐乾元二年復夔陵郡為陝州屬山南道

領夔陵宜都長陽遠安

五代史荆歸陝三州為南平國

元史宋仍峽州屬荆湖北路領夔陵宜都長陽遠安

元史地理志元至元十七年陞峽州為路領縣四夔

陵中宋末隋州遷治不常歸附後復歸江北舊志宜都 長陽 遠安

舊志元致和四年陞峽州為路隸河南行省領縣五

設總管府以為重鎮元末陳氏竊據其地甲辰始

附明

按元時至和祇有元年無四年亦祇隸縣四俱

疑誤

明史地理志元峽州路屬荆湖北道宣慰司明太祖

甲辰年為府九月降為州直隸湖廣行省九年改

名夔陵州以州治夔陵縣省入來屬

舊志明初改為峽州府省夔陵縣領秭歸巴東宜都

長陽遠安五縣洪武九年改為夔陵州隸湖廣布

政司分巡上荆南道正統七年省秭歸巴東二縣

止領宜都長陽遠安三縣

國朝順治四年歸附仍領縣三宜都長陽遠安後省

去三縣隸荆州府五年易夷陵為夔陵

雍正十三年因土司歸附陞彝陵州為宜昌府立東

湖縣為附郭首邑因地有東湖故名

沿革表

區域

郡

州

縣

唐

荊州

虞

荊州

夏

荊州

商

荊州

周

荊州

春秋楚

秦

國楚

彝陵

巫縣

西漢

彝陵

東漢

宜都郡

劉備改

彝陵

蜀漢

宜都郡

彝陵

魏

臨江郡

吳

西陵郡

晉

西陵郡

宋

宜都郡

彝陵縣

縣西一百里流頭灘下別置

東湖縣志卷之三 沿革表

齊

宜都郡

夔陵縣

宜昌縣至唐始改

梁

宜州

柘州

一作柘

西魏

陝州

夔陵郡

陝州

夔陵郡

陝州

一作破

夔陵縣

五代

南平國

陝州

陝州

元豐中改陝為

夔陵縣

宋

元

夔州府

夔州

宜昌府

夔州

東湖縣

國朝

夔陵命名之義因北有夔山以為名夔山者即

西陵山也或曰巴峽之險至此地始平夔歐陽

修作令時地志二說已並載吳黃武初改西陵

當以峽得名羅長源因此証巴陵之為東陵

註禹貢者徵其說蓋對舉以見義也宜都之名

通考確指為蜀先主所立建安十四年得荊州

改置宜都或云吳立三國志雖無明文然張飛

廖化皆為宜都太守吳志孫權傳漢建安二十四年呂蒙襲荊州到南郡據江陵陸遜別取宜都獲秭歸枝江夷道還屯彝陵守峽口以備蜀則宜都之為蜀漢置明矣又查綱鑑建安二十一年孫劉分荊州置臨江郡於彝陵不知何據按蜀志廖化傳先主伐吳化自吳來歸至秭歸遇帝以為宜都太守是自先主改置後始終皆名宜都臨江郡為曹操所置旋為蜀有改稱宜都呂蒙襲荊州日猶稱宜都不應於中間復襲臨二之號然疑事毋質姑兩存其說以俟考今隣邑宜都縣之稱宜都自南朝陳武帝始論詳秩官表後自唐以後或由州改縣或省縣入州或稱路或稱府參錯不一然以峽名州彝陵名縣則相沿至

國朝始易迄雍正十三年定制復更今名今據舊史並表

興朝改建之由於篇庶幾展卷循覽上下數千年可瞭如指掌云

東湖縣志卷之四

疆域志上

維王建國辨方正位而封疆地域必正之形方氏
 非徒以申畫郊圻慎固封守蓋一道同風之治亦
 基於此東湖為新郡附郭邑西接歸州東界當陽
 南隣宜都而長陽遠安南漳興山諸邑交錯其間
 廣袤約五百里準古建侯制固大國也邑有街鄉
 有舖土地之所宜風俗之所係附見於篇不皆可
 按冊而稽歟志疆域

疆域

縣爲夔陵舊地居江峽環抱之中上控巴夔下引荆襄其四封東抵天峰界嶺二舖邊界九十里自界至當陽縣城五十里西抵河西舖之紅巖邊界百里自界南至長陽縣城六十里西至歸州城一百六十里南抵烏石舖之龍潭腦邊界五十里自界至宜都縣城四十里北抵樟村舖邊界二百七十五里自界北去南漳縣城三百里東去遠安縣城一百八十里西北去保康縣城二百三十里又西去興山縣城一百五十里東北抵雙泉舖九十里自界至遠安縣城九十里西南抵五

高篴山邊界五十里自界至長陽縣城四十里西北抵紙坊舖之黑崖邊界二百里自界至歸州城八十里東南抵高陞舖之雲池邊界八十里自界至宜都縣城十五里東西廣二百里南北袤三百二十五里截長補短約五百餘里

彤勝

東湖縣城枕東山而吞三峽大江左右皆山也江左起雍之終南歷嶓冢分支東南行踰南漳保康經遠安聳起爲太平山入縣北界又經院庄大王巖而東起馬鞍山迤東而南而西脫郢數十里至東

山隱隱隆隆穿東湖南湖之中腹紆折行至先農壇進東湖門融為縣治其別出者自東而南由雙泉天峰界嶺高陞等舖諸山週圍二百餘里作下關又自北由樟村楞演三隅再西由霧渡深溪社林紙坊等舖作上護其自東山迤北為鎮鏡山大江起西塞壩下連南湖一帶山勢若兩翼然此縣治脈絡之大槩也江右則自西羌之南幹入滇北折至蜀之重慶夔府達巴歸一帶綿亘千餘里夾江而下至西陵而一束至荆門而再束其間支岸入東湖縣界為巨鎮為名蹟悉著於簡以備攷

咸池普溪及院庄一壩是日東西曰西下曰地

曰撫安則新戶畸零湊成二里謂之九鄉十一

也經兵燹之後田地荒蕪版籍無據戶口多缺

初隨便開墾亦只按現在完糧為簿編定五鄉未復舊額至今本籍田地悉已成熟流寓墾種山陵

廣仁鄉

樂義鄉

崇禮鄉

德智鄉

善信鄉

舖分

舖者所以別於郵遞舖也舖內必設頭首在他處或稱地方或稱團總東湖三十八舖每舖設鄉約一人耆老一人保正一人甲長一人凡公私大小之事必聞於鄉者保甲以為一方之首儼若官司充弊生故載定簿冊每歲必更替焉

盤石舖去城東十五里東連峰溪南連青草西抵中關北抵新興

舖去城東三十里東連龍泉南連

咸池普溪及院莊一帶是日東西日西下

曰撫安則新戶畸零湊成二里謂之九鄉十一里也經兵燹之後田地荒蕪版籍無據戶口多缺

國初隨便開墾亦只按現在完糧為簿編定五鄉未復舊額至今本籍田地悉已成熟流寓墾種山陵人民既庶田疇無多星羅繡錯而鄉仍從其五焉

廣仁鄉

樂義鄉

崇禮鄉

德智鄉

月係... 四疆... 七

四

善信鄉

舖分

舖者所以別於郵遞舖也舖內必設頭目在他處或稱地方或稱團總東湖三十六舖每舖設鄉約一人耆老一人保正一人甲長一人凡公私大小之事必聞於鄉耆保甲以為一方之首儼若官司充弊生故載定簿冊每歲必更替焉

盤石舖去城東十五里東連峰溪南連青草西抵關北抵新興

石北連咸池

龍泉舖去城東六十里東連天峰南連龍門西連峰溪北連雙泉

天峰舖去城東九十里接當陽界通京師東連當陽南連界嶺西連龍泉北連雙泉

雙泉舖去城東九十里東連當陽以碑為界東北至洗馬池接遠安界正北連咸池界西南連大泉界大泉舖去城東六十里東連雙泉南連龍泉西連峰溪北連咸池

新興舖去城東北十五里舊名踏泥乾隆十年知縣

事王瑛改東連峰溪南連盤石社林西連社林北
連下坪大溪

大溪舖去城東北三十里東連峰溪南連新興西連

下坪北連咸池

下坪舖去城東北三十里東連大溪南連新興西連

社林北連咸池

咸池舖去城東北五十里東連雙泉南連大溪西連

下坪北連普溪

羅惹舖去城東北八十五里東連雙泉南連普溪西

連下坪北連大王

普溪舖去城東北七十里東連雙泉南連咸池西

下坪北連羅惹

大王舖去城東北一百里東至中柱山接遠安界西

至下坪舖之白洋南連普溪北連院庄

院庄舖去城東北一百二十里東北接遠安界南抵

大王西抵三隅

青草舖去城南十五里東連盤石南連臨江西抵大

江北抵南關

臨江舖去城南三十里東連九溪南連高陞西抵大

江北抵青草

高陞舖去城南六十里東南連蹇家東北連九溪西

北連臨江西南抵大江

九溪舖去城南四十里東連蹇家南連高陞西連臨

江北連峰溪

龍門舖去城東南六十里東連蹇家南連九溪西連

峰溪北連龍泉

蹇家舖去城東南八十里東北連天峰界南連宜都

枝子溪界西連九溪北連龍泉西北連龍門西南

連高陞

界嶺舖分前後舖去城東南一百二十里東連當陽

南連宜都北連當陽西連宜都東南連枝子江界

河西舖渡江以西界為斷去城一百一十五里原分

捲橋小溪桃花泥水望州老龍六舖今併為一東

連大江南連五隴西連長陽歸州北抵大江內有

暮陽溪兩山夾溝陡峻偏側車輿難行

菓園舖跨大江左右水路去城一百里東連袁家社

林西連紙坊三溪南連黃牛三斗北連紙坊

黃牛舖去城西一百里東連菓園南連菓園西連三

斗北抵大江

三斗舖去城西一百三十里東連河西南連河河西

連歸州北連葉園

五隴舖去城西南三十里東連大江南連長陽西連

河西北連河西

烏石舖去城西南四十里東抵大江南連宜都西連

五隴北抵大江

社林舖以北界為斷去城北一百三十里東連新興

下坪南抵下牢溪至北關外西連袁家北連深溪

大峰舖去城北一百三十里東連三隅南連小峰西

抵小峰北抵深溪霧渡

連社林北連深溪

榜演舖去城北一百八十里東交遠安南連三隅西

連霧渡北連樟村內有陳家坪符家坪楊子嶺隔

放牛山狹隘難行

霧渡舖去城北二百九十五里東連榜演南連大峰

西連紙坊北交興山以分水嶺為界

三隅舖去城北一百五十里東連院庄南連大圭西

連大峰北連榜演內有三隅口蒼葉溝水陸險隘

難行

樟村舖去城北二百七十五里原名黃栢今改其界

東交遠安南連樸演西交保康興山北交南漳內
有走馬嶺山峻路窄又有楊家河深溝密箐實爲
阨要水陸交險

袁家舖去城西北一百三十里東連社林南臨大江

西連菓園北連社林

深溪舖去城西北一百七十里東連大峰南連社林

西連紙坊北連霧渡

紙坊舖去城西北二百六十里東連菓園南臨大江

西連歸州北連興山內有白水頭至沈家河以及

黃經河途徑險側

二溪舖與紙坊同界原紙坊三溪爲一舖今分爲三
村

南村在下坪舖去城北二十五里

右村在樟村舖去城北二百七十里

麻衣村在河西舖城西隔江十里

若村在紙坊舖城西北二百七十里

頓村在紙坊舖城西北一百九十里

小紅村在霧渡舖城西北一百九十里

下村在社林舖城北三十五里

羅佛村在三溪舖城西北一百七十里

北谷村在河西舖城西隔江二十五里
後村在河西舖去城七十五里

莊

關莊二一在峰溪舖城東北五十里一在楊演舖城
北一百里

西莊在大峰舖城北一百二十里

椒莊在社林舖城北三十里

白崖莊在龍門舖城東六十里

崖大莊在樟村舖城北二百四十里

茶莊在河西舖與歸州分界處城西一百二十里

辛家莊在河西舖城西四十里

彭家莊在楞演舖城北一百九十里

坪

趙家坪在河西舖城西隔江十五里

司馬坪在河西舖隔江三十里

栢木坪二一在河西舖城西隔江三十里一在社林

舖城北五十里

梓鄉坪在河西舖隔江五十里

漲水坪在河西舖城西隔江八十里

龍潭坪三一在紙坊舖城西北一百八十里一在河

西舖隔江三十里一在三溪舖出城西北一百六十里

前後二坪在社林舖城北十里

巴牛坪在下坪舖城北三十里

白洋坪在下坪舖城北九十里

新坪在下坪舖城北九十里

陳塘坪在大溪舖城東北三十五里

牛坪在社林舖城北一百里

兆吉坪在社林舖城北三十里

金竹坪在大王舖城北一百里

大王坪在大王舖城北一百里

三斗坪在三斗舖城西一百二十里

鐵爐坪在河西舖隔江三十里

九溪坪在九溪舖城南四十里

厚子坪在高陞舖城南六十里

長連坪在九溪舖城南四十里

下寶坪在深溪舖城北一百三十里

樹元坪在深溪舖城北一百四十里

梅坪在紙坊舖城西北一百六十里

符家坪在楞演舖城北一百八十里

缸瓦窰坪在三溪舖城西北一百七十里

白竹坪二一在社林舖城北一百二十里一在河西

舖去城四十里

富城坪在三溪舖城西北一百七十里

漆木坪在三溪舖城西北一百七十里

韓家坪在河西舖隔江六十里

賽金坪在袁家舖臨江干

喬家坪在河西舖城西一百二十里與歸州分界

坂

良田坂在龍門舖城東五十里

潘家坂在龍門舖城東五十里

何家坂在龍門舖城東五十里

萬家坂在大泉舖城東四十五里

雷家坂在雙泉舖城東北八十里

張家坂二一在界嶺舖城東一百二十里一在霧渡

舖城北一百九十里

曹家坂在河西舖隔江四十里

王家坂在霧渡舖城北一百九十里

黃家坂在界嶺舖城東一百三十里

鐵甲坪在三溪舖城西北二百八十里

長沙縣志卷之四 疆域上

馬槽圩在霧渡楞演界城北二百八十里

沖

長沖二一在峰溪舖城東四十里二在新興舖城北

十里

龍家沖二一在青草舖去城十五里二在河西舖隔

江三十五里

簡家沖在河西舖隔江十五里

鷹窩沖在河西舖隔江三十里

豺狗沖在河西舖隔江十五里

羅家沖在五隴舖隔江二十里

白家沖在青草舖城南十五里

董家沖在青草舖城南二十五里

花艷沖在九溪舖城南四十里

西沖在深溪舖城北一百七十里

白羊沖在九溪舖城南四十里

黃家沖在真圓舖城西北一百里

高家沖在三斗舖城西一百二十里

大沖在烏石舖西去城三十里

灰谷沖在高陞舖城南七十里

雷家冲在臨江鋪城南四十里

李家冲二一在峰溪鋪城東三十里 在盤石鋪城

東十五里

舒家冲在峰溪鋪城東四十里

閔家冲在峰溪鋪城東三十五里

阮家冲在峰溪鋪城東三十五里

文家冲在峰溪鋪城東三十里

沙溪冲在龍泉鋪城東五十里

吳家冲在龍泉鋪城東六十里

王家冲在河西鋪隔江二十五里白馬溪內

孫家冲在河西鋪隔江十五里

朱家冲在河西鋪隔江八里

余家冲在河西鋪隔江八里

郭家冲在新興鋪城北二十里

童家冲二一在河西鋪隔江八里一在咸池鋪城北

五十里

葉家冲在新興鋪去城二十里

胡家冲

岳家冲二冲俱在青草鋪城東二十里

傅家冲在大溪鋪去城四十里

壩

黃草壩在西塞壩城西五里

羅家壩在河西隔江二十里

郭家壩在河西隔江三十里

韓家壩在河西隔江十五里

魯家壩在河西隔江五十里

李家壩在河西隔江四十里

余家壩在河西隔江六十里

王家壩二俱在河西一隔江六十里一隔江二十里

察院壩在河西隔江八里

丁家壩在下坪城北二十里

吳家壩在五隴舖去城二十里

左家壩在河西舖去城三十五里

蓬

周家蓬在五隴隔江十里

汪家蓬在五隴隔江二十里

林家蓬在五隴隔江二十里

楊家蓬在五隴隔江三十里

胡家蓬二一在五隴隔江二十五里一在烏石隔江

三十里

閔家蓬在河西隔江三十五里

謝家蓬在雙泉鋪城東北七十五里

趙家蓬在河西隔江三十五里

劉家蓬在烏石隔江三十里

嶺

樵湖嶺在北關外一里

石子嶺在北關外去城三里

珍珠嶺在東關外二里

長嶺在社林鋪城北七十里

墩嶺在社林鋪城北一百二十里

土地嶺一俱在五隴鋪一去城十里一去城二十五里

池家嶺在河西鋪隔江三十五里

三十六嶺在河西鋪隔江五十里

金巴嶺在九溪鋪城東南三十里

舌頭嶺在高陞鋪城東南六十里

鴉雀嶺在界嶺後鋪城東一百二十里

賀家老嶺在霧渡鋪與興山縣連界

走馬嶺在樟村鋪城北二百三十里

馬鬃嶺牛二嶺在樟村鋪西界

吳求嶺在河西舖隔江一百三十里
雙寺嶺在三溪舖水漲上川要路
菴屋老嶺在霧渡舖與興山縣連界

場

響鈴口場在河西舖隔江三十里
落步塏場在河西舖隔江九十里
龍泉舖場在龍泉舖城東六十里
鴉雀嶺場在界嶺舖城東一百二十里
焦莊埡場在楞演舖城北一百八十里
謝家坡場在楞演舖城北一百九十里

霧渡河場在霧渡舖城北一百八十里
土門埡場在龍門舖城東五十里
樟村坪場在樟村舖城北二百二十里
西北口場在三隅舖城北一百二十里

橋

廣福橋在南關外上重建有奎星樓
天官橋在南關外五里舊名常家橋鄉官王象重修
改名天官橋有碑記
百子橋在青草舖去城十里邑人文光先建漢景帝
廟僧曉明復修有碑記

萬善橋在青草舖去城十里明知州童世彥建各童
公橋

國朝總鎮張忠孝修名太平橋後知州宗鳳聖復修
名萬善橋有碑記

三元橋在青草舖去城二十里乾隆十九年漢景帝
廟僧曉明新建有碑記

白沙溪橋在青草舖去城二十五里
陸公橋在臨江舖去城三十里

楊家橋在盤石舖去城十里明鄉飲大賓楊文燃修
安樂橋在社林舖去城五里舊名龐家橋雍正二年

中營遊擊高正吉重修至於乾隆五十八年貢生
王堯璋監生張灝二人重修更名北望橋

多子橋在新興舖去城八里邑人趙廷瓚等公修
仁壽橋在新興舖馬灘坡下去城十五里邑人王綸
並張洛書新建

積善橋在院庄舖去城一百二十里
連三橋在龍泉舖去城六十里

大福橋在天峰舖去城九十里
陽龍橋在天峰舖去城九十里

捲橋在河西舖去城五里

仙壽橋在河西舖去城五里

至喜橋在河西舖去城六里

孫家橋在河西舖去城八里鄉人周秀釗修有碑記

普濟橋在大江西十里跨大溪

遊南橋在河西舖去城十里

土橋在河西舖去城二十里宜鎮總兵官陳綸修

福星橋在河西舖去城三十五里明鄉飲大賓龍希

甫建

吳公橋在九溪舖去城三十五里乾隆二十年漢景

帝廟僧曉明重修

此若

神機砦在深溪舖城北一百三十里

婆婆砦在深溪舖城北一百四十里

林家砦在社林舖城北一百里

長連砦在社林舖城北八十里

蜂籠砦在社林舖城北一百三十里

麋子砦在河西舖隔江六十里

石門砦在大峰舖城北一百一十里

沙家砦在樟村舖城北二百四十里

破石崖砦在普溪舖城北七十里

長嶺砦

連山砦

佛頂砦

當陽頭砦

以上四砦舊志有地無所考

漢流砦

巴山砦

麻溪砦

角陽砦

長樂砦

梅干砦以上六砦見宋史地理志地無所考

木驢砦見元史荅失八都魯傳地無所考

關

南津關縣西北十五里

西津關縣西過江一里

白虎關在雙泉舖去城六十里

金竹坪關在大王舖去城一百里

以上四關舊俱設有巡檢司今俱裁

稅關係荆關抽分分設上關在鎮川門外臨河下關

設於舟中在小南門河下初歸荆州

欽差部員監督康熙十年歸地方官管理康熙四十七年覆准荆關收稅仍係部員監督其彝關及各關稅俱歸監督徵收

鹽關一名川卡康熙年間設於黑巖子雍正五年始移建於平善壩其城中及鎮川門外河街重建焉專委卡商一人督辦卡務額設巡役五十名哨船廿八隻并於宜昌鎮標前營派撥兵丁二十名協查乾隆二十四年奉文於宜都縣之白洋河增設卡隘并巡役三十名守船三隻哨船三隻旋於二十七年裁汰改設候補守備二員營兵八十名駐

平善壩南津關二處一追一截與卡商互相犄角

阻遏川私互見賦役志內鹽課項下

驛遞

黃牛驛縣西八十里

鳳棲驛南關外

白沙驛縣西一百三十里

以上三驛前明皆設驛丞今俱裁

勞停驛見歐陽修集今無考

舖遞

由縣往當陽者六縣前東門盤石峰溪龍泉天峰南

往宜都者四縣前青草臨江烏石西往歸州者六

縣前捲橋小溪桃花泥水望州內盤石舖舊名石板舖狗土人之請

易今名又霧渡舖與興山縣連界其北路城子頭險峻難行以上舊志

高家嶺上方嶺皆在泥水舖

民安橋在城北十里

仁壽橋去馬難坡里許乾隆三十八年里人王倫建

同治元年圯於水

天生橋在馬鞍山之東龍溪石橋橫亘溪上高出雲

表宛類仙人橋其下清泉自石門出鄉人祈雨多

驗相傳下有金盆貯水不少增減

北望橋去城四里

安濟橋在下牢溪口同治二年新建有碑記

福星橋在青草舖云城十八里咸豐十年里人陳宗

元募修

公善橋在霧渡舖其上游有太公石象鼻嘴厥勢嵯

峨奔赴橋側下游有石肖青獅白象

陸公橋在臨江舖圯於水道光二十八年道紀司董

希賢庠士董作霖艾開達重修

煙收壩在五隴山之東大江中舊時居民百餘家林

木甚茂今淪於江

多子橋離城北七里今漸崩析同治三年經邑人布
理問王廣聞補修

東湖縣志卷五

疆域志

風俗

史記西楚勁直地薄寡積

前漢書地理志荆楚有江漢川澤山林之饒火耕水
耨民食魚稻以漁獵伐山為業果蠃蠃蛤食物常
足故喆鯨媮生而亡積聚飲食還積不憂凍餓信
巫鬼重淫祀與巴蜀同俗

盛宏之風俗記郡少農桑農不如工工不如商之務
隋書地理志南郡襄陽皆為重鎮四方湊會故多衣

冠之緒尚禮義經籍又云率信鬼神尤重祠祀之事

隋書地理志屈原以五月望日赴汨羅江士人追至洞庭不見湖大船小莫得濟者乃歌曰何由得渡湖因爾鼓櫂爭歸競會亭上習以相傳為競渡之戲其迅熾齊馳櫂歌亂響喧震水陸觀者如雲諸郡率然而南郡尤盛俗云以此厭勝用致豐穰峽俗叢談云夔陵民質直好義學校之盛甲於荆湖故其民多好學

宋史地理志荆湖北路農作稍怠多曠土俗薄而歐陽修至喜堂記云竈廩園井無異位一堂之圃上父子而下畜豕民俗儉陋販夫所售不過鱸魚鮑民所嗜而已

荆州舊志西陵名教之區民俗儉陋山田磽确十年一佃

明一統志民質直好義不事誇詐宋大觀中養士至七百人學校之盛甲於荆湖故其民多好學

甘氏郡志略云夔陵自設府以後流傭浮食者眾五方雜處風俗大變井邑十倍其初奢靡之習百倍於前民素醞謹不尚爭訟賦無逋欠洵美俗也凡

健訟犯科者多係流寓浮籍土著者稀焉

士子頗束修自好應酬往復事較他處爲煩多藉舌耕自給而人或易之惟士大夫家頗好禮義尊師重道異於往時

地多山嶺田盡磽确刀耕火種牛力難施五日雨則低田既澇十日晴則高田即旱縱有豐年亦僅半熟必兼別業乃免凍餒惟圩田則否

工則土著無人作室製器盡屬蒲圻咸寧等處流寓近來興造繁多索直倍昔而梓匠巧者儼若上賓土著有七八即土農亦必兼營上而蜀川滇黔

下而吳越諸省靡遠不到

漁人捕魚網罟罾鈞大小不一在岸在船不異他處其所不同者一名起汕一曰叉繫起汕必於每年春三月初八十八二十八三日相率連線拍舷合聲震水面連歌徹夜必悲愴慷慨乃獲多魚此三日之期年年不易惟三遊洞以下十二培以上爲之叉繫則於每年八九月間捕取鱗鱣二魚其取魚之地有十餘處多於黃牛峽一帶水汎急處先藏繫於水底魚入其殼久而後疲始用叉而人跨於魚背納巨繩入腮以起此魚名取魚之器曰金

父繫得魚大者千餘斤小者二三百斤

樵採之事東邑至便每秋冬草木黃落時取草者去城三四里取柴者去城十餘里窮氓寄東邑者恒藉此以資生

冠婚喪祭

冠禮廢缺不獨此地為然惟東邑子弟甫在襁褓衣冠不啻成人文中子曰冠禮廢而天下無成人三加之禮此循禮之家亟當修舉者也

婚禮有六今存其五行聘納采請期納徵親迎行聘為定親先使人往來通言俟女家允諾始請

紳士至女家用幣求庚帖數日後婿至女家及

黨咸拜焉名曰謝允又曰過門在鄉曰過路女家亦至壻家答拜請期始執期帖請女家鮮用禮幣納采之禮先親迎之期具幣帛衣飾名曰過禮女家亦備奩具張陳壻室兩家各稱有無不爭財之多寡壻家擇吉宴賓為子命字名曰吉席俗名伴郎父兄為子弟設席安座亦倣古冠禮醮子之義女家亦選期為女加笄親迎之日盛設鼓樂燈綵庶人亦乘輿贊鴈並以綵帛飾女轎士大夫家子弟則用公服備儀仗即古人盛攝之遺至女家執

鴈於堂中壻向上拜乃揖女登輿壻前女後鼓樂以行至家拜堂合巹名交杯酒夫婦交拜焉女家父母兄嫂即同至壻家名曰送親必筵宴而返次日拜翁姑見大小俗名拜見必獻禮幣壻亦至女家並及三黨媼眷拜焉名曰謝親但婚禮用昏俗以日時拘牽或欲誇富多多白晝行禮且婚不舉樂俗多以鼓樂筵賓喧闐屢日士大夫家往往隨俗

喪禮先是士大夫家用焦布帽送五服戚屬庶民尺布近則用數尺纏頭繫腰凡弔者皆給遂以成俗至今士大夫苦之初屬纊即殮釘棺不用錫三日行成服禮後則每日上食至百日始罷富者塗人亦與纏白貧者即期功亦不能持服每逢七日必延佛道至家誦經五七則齋醮數日又編竹爲箱盛紙錠楮錢名曰簣齋醮之日富家則綵亭擡閣沿廟拜禱鼓樂喧闐晝夜不息葬則惑於風水務卜吉地又以年命山向擇日選時一聽術士臆說及葬又頒布帛以給弔客筵宴以款親朋延鄉黨有齒德者題神主於家至開靈時陳設牲牢親朋齊集請禮賓四人導引行禮謂之堂祭發引前一

夕凡陳設奠獻諸儀悉準家禮祭用童子數人歌
蓼莪之章謂之辭靈是日用鼓樂導從葬車至墓
所封窆畢然後歸

祭禮多未修舉俗尚淫祀祈禱

一病則請巫至家掛神像廳旁不忌葷酒鼓鑼喧鬧
足蹈手舞盡夜而罷率以爲常惟秉禮家不尙其
俗

一朝山多至數十人每於元旦及七月會眾起程門
首貼某處朝山四字或至武當或至鳴鳳沿途鳴
鑼號佛多費不惜屢奉例禁尙未盡革

一做生齋延請佛道至家設壇用紙錢作庫盛金銀
紙錢於內誦經禮懺或五日七日九日名曰抄庫
僧道射利之門惟此爲最

一每歲不拘春夏輒請道士至家設壇名曰點諸天
延請親友多人封齋散福恬不爲怪

一每歲四季里民各出金錢延請黃冠俗道各按方
社印當年歲分行化王神數字貼於門首謂之平
安醮大者張燈接綵謂之誦皇經以紙糊船送之
江中謂之收瘟攝毒

一小兒痘症初發熱時以掃簪花供於家至痘靨後

用紙作轎豆腐花餅送之廟中謂之送痘神

元旦相見則拜當節序生辰則有饋送俗謂旬期曰
整生每年生辰曰散生雖卑幼亦演戲延賓羣相
酬答室宇服飾昔多質樸近則大厦連雲羅綺徧
體無分貴賤男婦競尚奢麗讌會舊用五簋近雖
偶爾讌集亦必味窮水陸

歲時

立春先一日官師班春於東關外先農壇令各牙行
裝演百戲迎入署前覘土牛采色以卜歲事農人
作水池於甬道下採松柏枝插入池中歌唱似戲

秧狀酌酒飲滿取豐稔之兆次日行鞭春禮

元日祈年潔屋宇陳酒醴燃燈燭焚松柏枝子婦夙
興各盛服祀神男女出門行禮謂之出天方少長
叙拜戚友相過賀三日市無列肆室不掃除禁水
瀉地至初三日燃燭於大門外將屋簷所插松柏
枝合楮焚於街際謂之燒門神紙郡人雷思霽丁
未臘月二十日迎春卽事詩云城中兒女鬪春華
綵額街街鼓亂樓唐印碧油呼客坐花鞭桃梗送
官衙才逢插柳探梅候又問栽蘭種菊家荆楚歲
時風土記宜春雙字寫紅霞

初九日謂之上九夙興祀神亦如元旦

元宵張燈自正月初十至十五日間有少年數十輩飾女粧攜籃負簞作採茶狀且唱且採歷親友家各以意作態又粧演雜劇謂之故事鼓樂笙簫編遊街市又有鰲山層立裁繪剪紙像人物花草沿街燦列又有蟠龍穿鳳跳獅走馬諸燈各家食粉餌曰元宵女孩元夜迎紫姑卜問豐歉各鄉燃炬以照田間聲徹遠近謂之趕毛狗各家以栢枝白蠟樹葉焚燒作聲謂之炸蛇蚤燃燭插於園內謂之照地蠶

社日居民釀錢扮賽街市各坊建醮演戲每歲二月

朔二日八月朔二日者然即春祈秋報之意

二月十五日爲花朝幼女窵耳

清明祀先祖掃墓男女挈榼郊行歌哭迭應楮錢滿陌更以五色紙幡標壘頭謂之插青奠酒陳餼盡日而歸乾隆二十六年知縣林有席禁革其風漸息是日又戴楊柳於首並插柳枝於戶謂之記年華

上巳懸薺菜花於門又好作風鳶之戲故有楊柳青放風箏之謔

四月八日僧家作浴佛會士民以紅紙條交斜相連
編書俗句貼滿室牆壁間名曰嫁毛娘

五月五日採百草懸艾蒲於門角黍鹽蛋各相饋送
畫張真人馭虎符貼室中以雄黃硃砂入酒飲之
用艾蒲雄黃酒偏酒戶壁間云辟蛇蟲以其汁塗
小兒耳鼻云辟百毒婦女以繭作虎形並艾葉戴
於首又捕蟾蜍以墨入於腹中俟乾取出塗腫毒
有驗是日競渡楚俗咸同至十五日名曰大端陽
食角黍飲蒲酒如前三十四十五三日龍舟尤
盛與他郡獨異雷思霈詩云樵歌社鼓插秧歸首

放江頭樂事稀天下無舟不競渡峽中有鳥只爭
飛市兒各唱迎神曲遊女多穿送節衣嬾向靈均
陳楚些一杯聊爲酒漁磯

六月六日各家晒書畫衣物並鍼灸收諸藥

七月七夕取荷葉插蒲燭灌以油立高竿豎門前名
曰荷燈故老傳言秦白起欲燒彝陵望火而止因
沿至今

中元日具酒饌祭祖宰牲嘗新獻祭畢父老子弟羣
聚宴會謂之過月半用紙封楮錢名曰包袱土寫
祖宗考妣姓名祭奠焚化寺觀作盂蘭會鐘鳴達

且謂之度幽魂

中秋親友各備瓜餅相饋是夜家人羣聚具酒設餚陳瓜果餠餅以慶月乞子者更深潛入瓜園摘瓜抱還謂之摸秋

重九日讌會賞菊飲茱萸酒以辟惡登高覽勝

十月朔日掃墓奠祭如清明禮且燒化紙服謂之送寒衣

十月十六日古謂寒波今訛爲寒婆婆俗云此日寒婆婆打柴晴一日仙家有柴燧則一冬多雪雨陰一日仙家無柴燒則一冬多晴明

十一月稱冬月當以冬至故也冬至日後以九九爲一九疊至九九謂之數九

十二月稱臘月初八爲臘八日雜米爲糜曰臘八粥人家釀秫曰臘酒以鹽漬脯曰臘肉以盜賊水曰臘水可經三春不壞二十四日爲小年悉以竹枝掃戶宇二十三日晚具酒饌果餌祀竈神又剪草和豆盛於旁云竈神馬料

除夕釘桃符更春帖然爆竹於庭以松栢枝插戶楣設酒餚家人聚飲曰團年子弟向家長拜慶曰辭年擊鼓鳴鑼曰開年家中器具均用紙錢貼掛曰

散歲達旦不寐曰守歲以銀錢繫小兒之身曰壓
歲飯兼數日之炊曰宿歲飯又曰隔年陳新年擇
日開炊謂之接甑飯

每雨夜空中鳥如鴉鵝鷓鴣等類飛鳴咸呼爲九頭
蟲齊聲叫號凡街巷村墟無不聞然放爆竹駭且
隨手所值若門扇箕盆之屬任意敲拍良久乃已
物產附

穀類

稻種類甚多有白粘紅粘麻粘早糯晚糯諸種六月
成熟者爲百日早晚熟者較多

稷俗通呼爲黍子

黍其苗如蘆而異於粟今人多呼秫粟爲黍非

玉蜀黍釋名玉高粱土名包穀舊惟蜀中種此自彝
陵政府後土人多開山種植今所在皆有鄉村中
卽以代飯兼可釀酒

粟卽小米有赤白黃三色

麥有大麥小麥蕎麥燕麥數種

豆有黃豆白豆綠豆黑豆赤豆褐豆藿豆五月豆九
月豆豌豆豇豆扁豆刀豆虎爪豆蛾眉豆龍爪豆
胡豆

麻俗名芝麻作角八稜一曰巨勝兩頭尖銳作角七稜純赤二色

蔬類

葱 韭 蒜 莧 蕨 芋 芹 馬齒莧 菠菜

芫荽 白菜 芥菜 生菜 同蒿 蘿蔔 萵薹

花辣菜

油菜其子榨油

甜菜一名蒼蓮菜

白花菜氣膾味馨不種自生祇可鹽菹食之

花菜野產二三月極茂

俗名地米菜

藜俗名灰天苜蓿為林間藜也

蕓菜即蘘菜

葛花菜西北山中多有之

蕪一名藟子

地鱸一名甘露子

金針菜亦名黃花菜

笋有水竹山竹筍竹各笋

藜類

藜有甘苦二種

瓠長如越瓜首尾如一者為瓠

壺蘆有甘苦二種藥壺蘆一種

冬瓜一名白瓜

越瓜俗名梢瓜一呼菜瓜

胡瓜即黃瓜

絲瓜俗名蠻瓜

苦瓜一名錦荔枝一名癩葡萄

西瓜近河沙田中多種之

香瓜一名八輪金瓜

合查瓜雍正間出兵西路者拾種回今種之味甚甘

美

茄 南瓜

菓類

櫻桃 銀杏 梅 柿 核桃 柑 橘 佛手柑

棗 柚 石榴 枇杷 金橘 木瓜 花紅

桃有仙桃白桃五月桃七月桃海桃

李有甘苦二種

杏有沙杏金杏梅杏

栗大者俗名板栗小者俗名茅栗

梨有乳梨雪梨綿梨鵝梨消梨味俱香美又有山梨

棠梨

枸櫞即香櫞

檉柿即柿之小者

山楂一名猴楂

橙釋名金球

壽星橘其形微長

公孫橘結實大小相隨如公孫然

山嬰桃實多毛味惡不可食

無花果名文光果

葡萄有長圓二種長者俗名奶葡萄

茨菰即慈姑

菱又名菱楚屈到嗜菱即此也

芡薺一名鳧茈多於水田中種之

甘蔗東邑種者甚多止可生啖不堪作糖

藕前惟南湖產紅蓮藕並各池塘野藕只可蒸煮不

可生食近年農人多於水田塘堰內栽白蓮藕不

種 開花五六月即可食細嫩而太清芬甘美遂為佳

竹類

南竹 篁竹 水竹 叢竹 山竹 紫竹 斑竹

慈竹 藍田竹

鳳尾竹山野叢生多栽盆中玩之

雜類

茶 楠 山藥 煙

紅薯類種自蜀來旱地多種之

麻有苧麻雜麻二種

藍蔘藍葉如蔘高藍廣藍一名大葉藍

花類

牡丹 芍藥 山蘭 玫瑰 金萱 薔薇 木香

瑞香 辛夷 鳳仙 茶蘼 粉團 玉簪 芙蓉

錦葵 鷄冠 山茶 紫荊 月季 碎剪 金錢

水桂 簷葡 繡毬 杏花 李花 水仙 玉蘭

鴛粟 夾竹桃 石柱葵 虞美人 桂 迎春柳

秋海棠 石榴花 金銀花 向日葵 纏枝牡丹

旱蓮花 菊 蓮

海棠有鐵線垂絲西府三種

棠棣即郁李

蠟梅間有磬口者香色最佳

桃花有絳桃斐桃碧桃送春歸

紫薇一名滿堂紅

梔子大者重臺小者名海梔

木槿有紅白二色

金雀花小開如飛雀

凌霄即紫葳

丁香有黃白二種

茉莉自蜀川移植

梅有綠萼硃砂玉蝶宮粉臺閣紅梅數種

金盞花一名長春花

洋繡毬與大繡毬異種

老少年又名鳳凰衣鴈來紅漢宮秋

紅梨花詳載藝文

木類

松 栢 槐 桐 楓 桑 柘 楊 柳 黃楊

椿 楮 檀 杉 蠟樹 烏柏 白楊

冬青一名萬年枝

榆梓下坪有梓一株其大數圍其花甚異梓鄉坪亦

產之

漆樹霧渡楞演二舖山中多產之

楠俗名竹葉楠

草類

車前草 虎耳草 莎 青蒿 茵陳蒿 艾 蒺

萍 藻 鳳尾草 魚腥草

宮人草 俗呼為解澤草

吉祥草 葉如萱而小 四時不凋

鏡面草 葉小而圓

翠雲草 俗名鋪地雲

酸米草 葉細味酸結實如米

萬年青 葉大而長 四時常青

麥冬草 叢生不凋 根似麥冬

茺蔚即益母草

旱蓮草 一名黑八哥草 搗汁可烏鬚髮

豨薟草 一名希仙為丸藥功甚巨

芭蕉即甘蕉

蒲春生苗八九月收以為蓆

蘆生南湖中一名葦笋可煮食

荻俗名蒿笋

茅有絲茅黃茅各種

五香草 一名野紫蘇

藥類

黃精	蒼朮	芡實	薄荷	商陸	菖蒲	沙參
蟾蜍	苦參	五加皮	何首烏	土茯苓	枳殼	
草麻子	天門冬	麥門冬	茱萸	香附	皂莢	
五倍子	蜜蒙花	蒼耳子	山荳根	橘皮	麝	
肉蔓頭	桑白皮	青箱子	櫻櫚	桔梗	羌蠅	
龍胆草	草決明	穀精草	苦練子	紫花地丁		
半夏	貝母	木通	覆盆	蒲公英	王不留行	
大青	小青	常山	黃栢	牛膝	厚朴	紅花
棗仁	葛根	仙茅	三稜	前胡	刺楸	毛薑
白芨	大黃	秦椒	鈎藤	巴戟	檉子	
地丁	貫仲	杜若	紫苑	女貞	木賊	蛇蛻
蟬退	蜂房	五靈脂				
鬼臼本草峽州遠安襄州荆門縣並貢之						
蠶實即馬蘭子						
瓜萹根即天花粉						
枸杞根即地骨皮						
石燕今羅惹諸山多產之						
南藤一名丁公藤詳載雜錄今無						
龍腦即鹿腦						

羽類

鸛 錦鷄 雉 鷹 鵲 鳩 鷓 燕 鴉

鷓 鴉 鴛 鴦 鷓 鴒 子規 鷓 鴒 啄木鳥 竹鷄

鷺 菱鷄 鷓 鴒 鷓 鴒 鷓 鴒 鴨 鷓 鴒 畫眉

巧婦

鳧俗名野鴨

鷓鴣為箭飾每過百鳥驚恐

鵠一名天鵝

雀有麻雀黃雀

鷺一名黃鳥

兔虎似鷹而善擒兔今無

鴉虎性猛悍

白頭翁似雀頭有白點

鸚鵡俗名八哥

綠翠一名翠鳥

百舌一名反舌

麥鷄秧出時鳴

布穀即鳩鳩

練雀俗名拖白練

鱗類

蛟 鯉 青魚 金魚 鯽 鱖 鱒 魚 鱒 鱒 鱒

鮒魚 鰕

鱧一名黑鱧

魴即鰕魚

鱖一名鱖

鰻一名鰻魚

黃頰古名黃鰓

鮠似鯉草鮠家塘中亦畜之

白魚色白頭大長六七尺

鮠一名鮠本草鮠生江淮間無鱗亦鱗屬也惟鼻短

口亦在頰下每於迴流中取之故俗呼為迴沱子

白甲似鯉而鱗大三四月多有之有單唇雙唇二種

雙唇者尤美

鱖長僅數寸形狹而扁狀如柳葉鱗細而整潔白可

愛

鯊俗呼為丁公魚

鱔宋輿曰腹黃故名鱔今又有青色一種

鱖俗名泥鰍

鱖江東呼為黃魚今黃牛灘多有之詳風俗

鰻鱧即白鱔

鱖即孩兒魚

鯢有足聲亦似鯢名人魚能上樹西陽雜記云峽中

人每於溪邊樹上取之

鱗味與鱸同美大者亦至一二千斤取法亦同

鱧本草即鮎

龍眼魚缸中玩

桃花魚詳載雜錄

獸類

鹿 麋 鹿 猿 獾 兔 野豬 虎 豹

狼 鼠 馬 騾 驢 豕 犬 野貓 貓 羊

黃牛 水牛

不屬即麝

熊掌作珍左更勝

山羊作脯與鹿同美筋次之

獨豬似野豬而力大逢樹輒拔之猛過熊虎獵人不

敢捕

猴形似犬而尾大足短其躍如飛土人呼為猴王每

至羣猴畏伏齊聚不敢移動獨捉一肥者嚙之食

不盡取羣猴乃散去物必相制如此與本草載說

無異偶見西北鄉深山中

山彪從容美各司中來今山野中偶有之傷小兒及

牲畜頗為害皮肉皆不堪用

狐俗呼為毛狗

鼬俗呼為黃鼠狼

介類

龜

鼈釋名圓魚

蟹小不堪食

蚌長僅二三寸狀如石決明

蝸蠃即螺螄

蟲類

蠶 蜂 蝶 蟬 蝙蝠 蝦蟇 蚪 斗 蟻 螢

蝸牛 蚯蚓 螳螂 蟋蟀 蚱蜢 蜻蛉 蜘蛛

螞蟥 螻蛄 蜈蚣 蠟虫 蠅

蠹俗名田雞

水蛭即馬蟻

螻蛄俗名土狗

守宮一名壁虎

鯽魚刺蟲其樹多刺生山野中性最寒幹裡生虫肥

白如僵蠶每有喉舌緊急風火取塗有殊效鯽魚

刺者象形也

蛇其類甚多惟黃栢樟村及下牢等山溪中有老蛇
一種捕取泡酒飲之治諸瘋疾有效又有碁盤蛇
形似老蛇而頭方射利者捕取之置於酒甕中亦
亦老蛇酒治瘋無效

貨類

絹 布 棉 線 絲 紙 綿 紬 氈 白蠟
黃蠟 茜草 梔子 紫草 羊肚 木耳 葛粉
蕨粉 百合 茶 漆
油有麻油木油菜油綿油永麻油之屬
蜜有巖蜜木蜜家蜂蜜

菌土菌松菌俱收入貨其味劣於建菌南菌惟驚蟄
前後數日所產一種俗呼為茅草菌其味鮮美甲
人珍若上品但質嫩不堪收春深有毒亦不敢食
矣

芒硝宋史地理志峽州貢芒硝五加皮

紋石縣東二十五里豐寶山產石子紅白二色紋綵

絢爛名曰紋石

石山縣西北山多洞廣巖間泉水似乳滴成如一小

山印壑峰巒有咫尺千里之觀

雷石其石形似棗核大者如卵瑩澈如水晶天然生

成今麻溪山中每經雷雨後山田中嘗有之故名
雷協

松皮硯黑色旁似松皮

巖石硯旁有小石叢疊其中石似端作硯

墓硯縣西四十里第四泉洞內產石堪作硯

太極石縣北九十里大王坪山產此石橫開有白圈
儼如太極直開文形聳出儼如浮圖大可爲屏
可爲硯惜不發墨

按峽石作硯雖見歐譜然皆滑不受墨無足珍
者紋石一產於宜都之蒼茫溪土名瑪瑙河其

地與東湖接陸遜以爲地露文章蓋亦分孕山
川之秀者自好事者琢爲珍玩近乃索值至數
金而佳者亦殊不易得意取多用去地亦有時
而愛其實歟太極石一名塔石以自然成文峰
形直上者佳其旁出而形不具者無取焉然石
之佳亞不剖弗見也刀鋸甫施應手輒損故往
往致十石而僅得一二其工又十數倍之蓋成
之之難又如此

